


পোয়া-মাইয়া অলর লাই বাইবেল  
যে প্রকাশ গইজে

প্রথম ইষ্টার (প্রথম  
পুনরুত্থান)



যে লেইকে: Edward Hughes

যে ছবি আইকে: Janie Forest  
Alastair Paterson

যে সম্পাদন গইজে: Lyn Doerksen

যে অনুবাদ গইজে: Adlina

যে পরিচালনা গইজে: Bible for Children  
[www.M1914.org](http://www.M1914.org)

©2021 Bible for Children, Inc.

বিশেষ সাবধানর কতা: এই বই ইবা বেচিবারলাই নয়, কিন্তু ইবা ছাপাইবার,  
ইলেকট্রনিকস, রেকর্ড গরিবার আর ছবছ লেখিবার অনুমতি দন গেইয়ে।



উল্লা মাইয়া পুয়া চেঁচামেচি গরা  
এককান পাহাড়র পাশে থিয়াইয়  
দুঃখ ভরা চোখ লই যারগই।  
মা ইবা আছিল দে মরিয়ম।  
তেডে যীশুরে ত্রুরুশত দিয়ে  
এয়ার পাশে দিই মরিম  
তিথায় আছ।



কেন গরি এই ঘটনা ঘইটে। এত  
খারাপগরি যীশুর এককান সুন্দর  
জীবন কি গরি শেষ হইয়ে। ঈশ্বর  
কেন গরি তাঁর পুয়া যীশুরে ক্রুরশত  
মইধ্যে মইত্তো দিতে  
রাজি হইয়ে? ইবা  
কন আছিল এই  
সম্পর্কে যীশু কি ভুল  
গইজিল? ঈশ্বর কি  
অকৃতকার্য হইইল।



ঈশ্বর অকৃতকার্য ন হই। যীশুর  
কোন ভুল নো আছিল। যীশু  
বেকসমত জাইনতো খারাপ  
মাইনষ্যর হাতত তাঁরে মরা  
পরিবো। এনকি যীশু যেত্তো গুরা  
পুয়অ আছিল, শিমিয়োন নামত  
একজন বুড়া মানুষ মরিয়মরে  
কইয়েদে সামনোদি যীশুরে দুঃখ,  
কষ্ট ভোগ গরণ পরিবো।



যীশু মরার কিছুদিন আগদ্বী  
উল্ল্যা মাইয়া মানুষ আই  
যীশুর ঠেংগত সুগন্ধি আতর  
ঢালি দিয়ে। অংগীঅল বিরক্ত  
হই কইয়ে, “ইবা টেয়া নষ্ট গরের।”  
যীশু কইয়ে, “ইবা তো ভালা কামই গরের।  
ইবা আরে কবরর লাই তৈয়ার গরের।” কী আশ্চর্য্য কতা!



এয়ার পর যীশুর বারোজন অংগীর নান  
একজন যিহুদা প্রধান পুরোহিতঅলর  
কাছতুন তিরিশআন রুয়ার টেয়ারলাই যীশুর  
অংগে বিশ্বাসঘতকতা গইন্ত্য রাজী হইয়ে।




যিহুদীঅলর উদ্ধার পৰ্বেৰ ভোজর সময় যীশু যীশু  
তাঁর অংগীঅলরে লই শেষ ভোজ খাইতো  
লাইগ্লে। যীশু তারার কাছে ঈশ্বর আর যারা তাঁরে  
ভালবাসে তারার প্রতি তাঁর প্রতিজ্ঞা সম্পর্কে সুন্দর  
বিষয়গুন কইয়ে। এয়ার পর যীশু রুটি আর কাপ  
লই তারারে দিইয়ে। এগুন তারার মনত গরাই  
দিয়েদে যীশুর শরীল আর রক্ত পাপর ক্ষমা  
পাইবার লাই দেয়া হইবো।





হেত্তে যীশু তাঁর বন্ধুঅলরে কইয়েদে ইবার অংগে প্রতারণা হইবো। আর ইতারো  
ধাই যাইবো। পিতর শক্ত গরি কইয়েদে “আই ধাই ন যাইয়ুম।” যীশু ইতারারে  
কইয়ে “কুরো ডাকিবার আগদ্বী তুই তিন বার আরে অস্বীকার গরিবা।”



পরে এই রাইতত যীশু গেৎশিমানী  
বাগানত প্রার্থনা গরিবারলাই  
গেইয়ে। যে অংগীঅল যীশুর অংগে  
আছিল ইতারা ঘুমাই পইরগে। যীশু  
প্রার্থনা গরি কইয়ে, “হে আঁর বাবা,  
যদি সম্ভব হয় তইলে এই দুঃক্ষর  
কাপ আঁর মইধ্যতুন দূর হই যোক।  
তবুও আঁর ইচ্ছামত নো হোক।  
তোয়ার ইচ্ছামতই হোক।”




হেতে কিছু উচ্ছৃংখল মানুষ যিহুদার  
পরিচালনায় বাগানত ঢুকি পইরগে। যীশু  
বাধা ন দেয়। কিন্তু পিতর উগ্গ্যা মাইনষর  
কান কাডি দিয়ে। শান্ত হই মানুষইবার  
কান ছুঁই যীশু ইতারে ভালা গইজেজ্য। যীশু  
জাইনতো তাঁর বন্দী অন হইয়েগে ঈশ্বরর  
ইচ্ছার অংশ।



উচ্ছৃংখল মানুৰঅল যীশুৱে মহাপুৰোহিতৰ বাড়িত লই গৈয়ে। এডে যিহুদী নেতাঅল যীশুৱে মাৰি ফেলাইবাৰ কতাই কইয়ে। পিতৰ কামৰাৰ মাইনষৰ কাছাকাছি থিয়ই আণুন পোয়াইত আৰ দেইখতো লাগিল। মানুৰঅল তিনবাৰ পিতৰৰ মিক্কা কোখ বড় বড় গৰি চাই কইয়েদে, “তুইও তো যীশুৰ অংগে আছিল। তিনবাৰই পিতৰ অস্বীকাৰ গইজ্জ্যে। যীশু যেন গৰি পিতৰে কইইল। হেত্তে পিতৰ নিজেৰে শপথ গৰি অভিশাপ দিয়ে।”




# ২য় বার মোরগ ডাকি উইটে




আর হেত্তে উগ্গ্যা কুরো ডাকি উইটে।  
ইবা আছিল পিতরর কাছে ঈশ্বরর  
গলার আওয়াজর মতন। পিতররতুন  
যীশুর কথা মনত পরি গেইয়ে। পিতর  
এত্তে কাইনত্তো লাইগ্গে।





যিহ্নদাও দুঃখিত হইয়ে। ইতি জাইনতো যীশু  
কোন দোষ বা পাপর অংগে জড়িত নয়।  
যিহ্নদা পুরোহিতঅলর কাছে তিরিশান রুয়ার  
টেয়া ফিরাই দিবারলাই লই গেইয়ে। কিন্তু  
পুরোহিতঅলে ন লয়।





যিহুদা টিয়াগুণ নীচে ছুবিমারি ফেলাই  
দি গেইয়ে গোই আর গলাত দড়ি  
লাগাই ফাঁস লাগাই মরি গেইয়ে।




পুৰোহিতঅলে যীশুৱে ৰোমীয় শাসনকৰ্তা  
পিলাতৰ সামনদী আইননে। পিলাত কইয়ে,  
“আই এই মানুষৰ কোন দোষ ন দেখিৱ।”  
কিন্তু খাৰাপ মানুষঅল দলবানধি আই চিল্লাই  
চিল্লাই কইতো লাইগ্লে “ইবাৰে  
ক্ৰুশত দন! ক্ৰুশত দন!”






শেষদ্বী পিলাত যীশুরে ক্রুশত দি মারিবারলাই  
হুকুম দিয়ে। সৈন্যঅল যীশুরে কিল-ঘুষি মুখত  
থুথু আর চাবুক মাইত্তো লাইগ্লে। ইতারা লাম্বা  
চিয়ন উগ্গ্যা কেডার মুকুট গাঁথি যীশুর মাখাত  
পরাই দিয়ে। এয়ার পর যীশুরে গাছর তৈরী  
ক্রুশত ফেলাই হাতত আর পাত পেরেক  
দিয়েনে গাঁথি দি মৃত্যু কার্যকর গইজ্জ্য।



যীশু অগ্নল সমতই জাইনতো এনগরি তাঁরে মরণ পরিবো। যীশু আরও জাইনতো  
দে তাঁর মরণ যারা ইবার উঅর বিশ্বাস গরিবো তারা পাপর লাই ক্ষমা লই  
আইবো। যীশুর পাশদ্বী দুয়া ডাকাইতরে ক্রুশত দেয়া হইলো। দুয়ার মইধ্যে উগ্ন্যা  
যীশুরে বিশ্বাস গইজে আর পরম দেশত গেইয়ে।  
আরেকজন যীশুরে বিশ্বাস ন গরে।



কয়েক ঘন্টা কষ্ট পাইবার পর যীশু কইয়ে,  
“শেষ হইয়ে।” আর যীশুর মৃত্যু হইয়ে।  
যীশুর কাম শেষ হই গেইয়ে। উল্ল্যা  
মাইনষর ব্যক্তিগত কবরত তাঁর  
বন্ধুঅল তাঁরে কবর দি দিয়ে।



পরে রোমীয় সৈন্য অল কবর সীলমোহর গরি  
দিয়ে। আর পাহারা দিবার ব্যবস্থা  
গইজে যেন কেউ কবরর ভিতর  
বা বাইরে যাইত ন পারে।



ইবা কেন দুঃক্ষর হইতো যদি এডে  
গল্পর শেষ হইতো। কিন্তু ঈশ্বর আশ্চর্য্য  
কাম গইজিলো। যীশু মরি ন থাকে।



হুণ্ডার পথম দিনত বেয়ান বেলা যীশুর কয়েকজন  
অংগী দেইক্লে দে কবরর সামনতুন পাথরগান  
সরানো হইয়ে। যেত্তে ইতারা ভিতরে  
ঢুকি দেইক্লে যীশুর শরীল ইবা  
এডে নাই।



উল্গ্যা মাইয়া মানুষ কবরর পাশে বই কাইনত্তো  
লাইগ্লে। যীশু ইব্বারে দেহা দিয়ে। মাইয়া ইব্বা  
তাড়াতাড়ি আনন্দ গইত্তে গইত্তে ফিরি যাই  
অন্য অংগীঅলরে কইয়ে দে, “যীশু জীবিত!  
যীশু মরারতুন জেয়াতা হই উইটে।”



যীশু অংগীঅলর কাছে আই তাঁর হাতর পেরেকর চিহ্ন দেখাইয়ে।  
ইবা সত্য যীশু আবার মরারতুন জীবিত হই উইটে। তাঁরে অস্বীকার  
গইজে বুলি পিতররে মাফ গরি দিয়ে। আর তাঁর অংগীঅলরে কইয়ে  
দে তাঁর ব্যাপারে অন্য মাইনষরে কইতো। এয়ার পর যীশু স্বর্গত  
ফিরি গেইয়ে যেতুন যীশু আইষিয়লো।





প্রথম ইষ্টার (প্রথম পুনরুত্থান)

ঈশ্বরর বাইক্য পবিত্র বাইবেলের তুন গল্পওয়া লওয়া অইয়ে

গল্প ইবার মইদ্যে আছে দে

মথি ২৬-২৮; লুক ২২-২৪,  
যোহন ১৩-২১ অধ্যায়

“তোঁয়ার বাইক্যই আঁর জীবনর আলোর কেবার (দরজা).” গীতসংহিতা

১১৯:১৩০ পদ



শেষ



This Bible story tells us about our wonderful God who made us and who wants us to know Him.

God knows we have done bad things, which He calls sin.

The punishment for sin is death, but God loves us so much He sent His Son, Jesus, to die on a Cross and be punished for our sins. Then Jesus came back to life and went home to Heaven! If you believe in Jesus and ask Him to forgive your sins, He will do it! He will come and live in you now, and you will live with Him forever.

If you want to turn from your sins, say this to God:

Dear God, I believe that Jesus died for me and now lives again. Please come into my life and forgive my sins, so that I can have new life now, and one day go to be with You forever. Help me to live for You as Your child. Amen.

Read the Bible and talk with God every day! John 3:16

